

Moišantle wa dimetale tša dikerepe o bonwe molato wa go bolela maaka ka Khasetomo

Tshwane, 3 Matšhe 2022 – Khamphani ya kišontle ya ka Cape Town le molaodi wa yona ba bonwe molato wa go se laodiše botse morwalo wa dimetale tša dikerepe ka nepo ya go efoga go lefela makgetho a kišontle ao a tsebagaditšwego mankgapele ka ga dimetale tša dikerepe.

Khamphani ya *Scrapmania*, le molaodi wa yona, Joseph Daniel Hurling, ba ipone molato ka tatofatšo ya go laodiša maaka ka Khasetomo gomme bobedi ba ile ba faenwa R500 000, gomme Mrn. Hurling o ile a faenwa tšhelete ya tlaleletšo ya R100 000 ka Kgorotsheko ya Selete ka Durban.

Ka la 23 Setemere 2021, *Mirage Shipping* e tšweleditše taodišo ya kišontle ya dikhontheina tše lesome tša “di-polymer le ethylene” legatong la *Scrapmania*. Morwalo o ile wa tloga ka Cape Town go ya Boemakepe bja ka Durban, fao o ile go gogelwa bakeng sa tlhahlobo ge o fihla, morago o ile wa gogelwa thoko go mokgwatšhomo wa ka Khasetomo.

Ka la 12 Oktobore 2021, o ile wa hlahlobiwa gomme gwa hwetšwa o rwele dikerepe tša dimetale, tšeo di hlokago phemiti ya Khomišene ya *International Trade Administration Commission (ITAC)* mme o bile o lokela ho lefa dikgafa tsa gomme e lefiša makgetho a kišontle.

Kgetsi ya bosenyi e ile ya ngwadišwa le SAPS bakeng sa tshelo ya Melao ya Khasetomo le Motšhelophahlogae.

Intasteri ya dimetale tša dikerepe ke intasteri ya dibilione tša ntšifalo ya diranta gomme e dira dikabelo tša tekanyo ya R15 billion ngwaga ka ngwaga go tšweletšo ya selegae ya kroso ya ka Afrika Borwa.

Ka 2017, khamphani ya dimetale tša dikerepe e lahlegetšwe ke kgetsi ka Kgorotsheko ya Molaotheo go tlhohlana le dipeelo tša Mmušo tša kišontle ya dikerepe tša dimetale, tšeo di tsebegago ka mokgwatšhomo wa theko ya tlaalo, gammogo le sephetho ITAC sa go gana ga fana ka diphemiti tša kišontle go khamphani, go ya ka mokgwatšhomo wa theko ya tlaalo. Se se diregile mengwaga ye mene ya ngangišano ya semolao ka ga taolelo ya mokgwatšhomo wa theko ya tlaalo.

Khomišinare wa SARS Edward Kieswetter o boletše gore, “SARS e ikgafetše nolofatši ya kgwebišano le go godiša ekonomi ya naga ya rena. E tla tšwelapele go nolofaletša le go kaonafaletša bagwebi go obamela boitlemo bja bona bja semolao ka go ba fa tiišetšo le kgonthišo.š Ka go lekana, SARS e katološa bokgoni bja yona bja go thatafaletša le go lefiša dikotlo tša godimo go bagwebi bao ba sa obamelego. Se ke tshebotšo ya gore reka se ke ra tlogela bosenyi bo sa senollwa ka tiišetšo ya gore bao ba amanago le mehuta ye ya maitshwaro ao a bapanego le bosenyi ba hwetša kotlo ya go galefa. Ditšhelete tša naga di amega gampe ka lebaka la maitshwarompe a maikemišetšo le bosenyi bja go se laodiše ka tsela ya maleba”.

Go hwetša tshedimošo enngwe, ka kgopelo ikgokanganye le
SARSMedia@sars.gov.za